



ҮНДЭСНИЙ АУДИТЫН ГАЗАР  
НИЙСЛЭЛ ДЭХ  
ТӨРИЙН АУДИТЫН ГАЗАР

14200 Улаанбаатар хот, Сүхбаатар дүүрэг, 8 дугаар хорхой,  
Г.Амарын гудамж, Соёлын төв өргөө, Г корпус, 5 давхар,  
Утас: 7000 7734, Факс: (976-11) 32 01 54,  
И-мэйл: ub@audit.gov.mn, Вэбсайт: www.audit.mn

2020.09.09 № 1345  
танай -ны № -т

СОНГИНОХАЙРХАН ДҮҮРГИЙН  
ИРГЭДИЙН ТӨЛӨӨЛӨГЧДИЙН  
ХУРЛЫН СОНГУУЛЬД БИЕ ДААН  
НЭР ДЭВШИХ ИРГЭН  
Г.БУЛГАНХАНГАЙ ТАНАА

Сонгуулийн мөрийн хөтөлбөрийн  
дүгнэлт

Төрийн аудитын тухай хуулийн 6 дугаар зүйлийн 6.3, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д заасан Төрийн аудитын байгууллагын бүрэн эрхийн хүрээнд Орон нутгийн иргэдийн Төлөөлөгчдийн Хурлын 2020 оны ээлжит сонгуульд бие даан нэр дэвших иргэн Галбадрахын Булганхангайн сонгуулийн мөрийн хөтөлбөрийг хянаж, дүгнэлт гаргалаа.

**Үүрэг хариуцлагын талаарх мэдээлэл**

Нийслэл, дүүргийн иргэдийн Төлөөлөгчдийн Хурлын сонгуульд бие даан нэр дэвших иргэн нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль болон “Алсын хараа-2050”, Нийслэлийг хөгжүүлэх хэтийн зорилтод нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцооны хамт ирүүлэн хуульд заасны дагуу дүгнэлт гаргуулах үүрэг хүлээнэ.

**Сонгуулийн мөрийн хөтөлбөрийн дүгнэлтийн үндэслэл**

Төрийн аудитын байгууллага нь нийслэл, дүүргийн иргэдийн Төлөөлөгчдийн Хурлын сонгуульд бие даан нэр дэвших иргэний сонгуулийн мөрийн хөтөлбөрийг хянан үзэхдээ Төрийн аудит MNS 6817-1:2020 Тулгуур зарчим, Төрийн аудит MNS 6817-6:2020 Нийтийн аудитын зарчим, Төрийн аудит MNS 6817-8:2020 Нийтийн аудит стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, “Алсын хараа 2050”, Нийслэлийг хөгжүүлэх хэтийн зорилт, нийслэлийн 2021-2022 оны төсвийн төсөөлөл, холбогдох бусад байгууллагаас авсан мэдээллийг шалгуур болгосон.

**Дүгнэлт**

Иргэн Галбадрахын Булганхангайн Сонгинохайрхан дүүргийн иргэдийн Төлөөлөгчдийн Хурлын 2020 оны ээлжит сонгуульд бие даан нэр дэвшихээр

ирүүлсэн сонгуулийн мөрийн хөтөлбөр, түүнд тусгагдсан зорилт, арга хэмжээ нь Аймаг, нийслэл, сум дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, "Алсын хараа-2050", Нийслэлийг хөгжүүлэх хэтийн зорилт, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

Иргэн Галбадрахын Булганхангайн сонгуулийн мөрийн хөтөлбөр (З хуудас)-ийг хавсаргав.

Хувийг: Сонгинохайрхан дүүргийн Сонгуулийн хороонд

Хавсралт: З. хуудастай



*gaxee*

СОНГИНОХАЙРХАН ДҮҮРГИЙН ИРГЭДИЙН  
ТӨЛӨӨЛӨГЧДИЙН ХУРЛЫН 2020 ОНЫ ЭЭЛЖИТ  
СОНГУУЛЬД  
БИЕ ДААН НЭР ДЭВШИГЧ

**ГАЛБАДРАХЫН БУЛГАНХАНГАЙ**  
**МӨРИЙН ХӨТӨЛБӨР**

Улаанбаатар хот

2020 он



## ТАНЫ САНАЛ МИНИЙ ШИЙДЭЛ

### ОРШИЛ

Нутгийн өөрөө удирдах байгууллага нь Монгол улсын засаг захиргаа нутаг дэвсгэрийн нэгж түүний удирдлагын тухай хуулийн шинэчилсэн найруулгаар “Нутгийн өөрөө удирдах ёс нь чөлөөт сонгуулиар сонгогдсон төлөөлөгчтэй, түүнд тайлагнадаг гүйцэтгэх байгууллагатай, тухайн нутаг дэвсгэрийн эдийн засаг, нийгмийн асуудлыг иргэдийн ашиг, сонирхолд нийцүүлэн хуулийн хүрээнд биё даан шийдвэрлэх эрх зүйн бодит чавдар мөн” гэж тодорхойлсон байдаг.

Тийм учраас шат шатны төрийн байгууллага ИТХ өөрийн эрх хэмжээний хүрээнд батлан гаргасан тогтоол, журам, хөтөлбөр, төлөвлөгөөнд зарим зохицуулалтыг орхигдуулсан, зарим зүйлийг нарийвчлан зохицуулаагүй зэрэг тохиолдлууд гарч байна. Мөн иргэдэд үйлчилэх анхан шатны нэгж болох хорооны үйл ажиллагааны үйлчилгээ нь төдийлөн оновчтой, хүртээжмтэй байж чадахгүй байгаа нь бидний өдөр тутмын амьдралд мэдэгдэж байна.

Одоо үед амьдралын тав тух, эрүүл аюулгүй орчин гэдэг бидний амьдралын нэгэн чухал шаардлага болжээ. Учир нь энэ л орчинд бидний үрс өсөн торниж, хорвоог танин мэдэж нийгмийн харилцаанд ороход суралцаж байдаг.

Бидний болон гэр бүлийн маань амьдарч буй орчин цэвэр цэмцгэр, аюулгүй амар тайван, найрсаг уур амьсгалтай, хүүхдэд ээлтэй байж чадвал ирээдүйд өөрийгөө болон улс орныхоо хөгжлийг түүчээлэх сайн иргэд тэр чинээгээр төлөвшин өснө. Харин энэ бүхнийг бүтээх анхдагч нь Нутгийн өөрөө удирдах байгууллага буюу Иргэдийн Төлөөлөгчдийн Хурал юм.

Иймд төрийн албандаа анхан шатны нэгжээс авахуулаад шат шатны төрийн байгууллага болон улс төрийн байгууллагад ажиллаж хуримтлуулсан дадлага туршлагадаа тулгуурлан иргэдийн амьдрах орчин нөхцлийг сайжруулах үйл ажиллагаанд гар бие оролцох нь зүйтэй гэж үзлээ.

**ЗОРИЛГО:** Сонгинохайрхан дүүргийн 16 дугаар хороо ЗХУ-ын тусламжтайгаар “Өнөр” хороолол баригдаж 1987 онд 24, 25, 26, 27, 28, 29-р байр ашиглалтанд орсноор Октябрыйн районы 37 дугаар хороо нэртэйгээр байгуулагдан ажиллаж байв. 1992 оноос эхлэн Сонгинохайрхан дүүргийн 16-р хороо хэмээн нэрлэгдсэн. Тус хороо 15,6мк талбайтай, 1416 өрхийн 5036 хүн ам оршин сууж буй дан ганц байр хорооллоос бүрдсэн хороо юм.

Иймд тус хорооны хүн амын амьдралыг зохицуулсан, иргэд оршин суугчиддаа чиглэсэн, нийтийн эрх ашигт нийцсэн, иргэдийн эрүүл, аюулгүй, тав тухтай орчныг бүрдүүлэх дүүрэг хорооны дүрэм, стандартыг бий болгож, тулгамдсан асуудлаа өөрийн онцлогт тохируулан шийдвэрлэх шаардлага зүй ёсоор урган гарч байна.



## ЗОРИЛТ:

- ❖ Хороог нэгдсэн стандарттай болгож, иргэдийн сурч хөдөлмөрлөх, аюулгүй орчинд амьдрах, зорчих аятай таатай нөхцөлийг бий болгох хөтөлбөр төлөвлөгөөг дэмжиж ажиллана.
- ❖ Иргэдийн оролцоотой, иргэн төвтэй хороо, дүүрэг болох нөхцөлийг бүрдүүлэхийн төлөө хичээж ажиллана.
- ❖ Жижиг дунд бизнес эрхлэгчидэд бизнесээ тэлэх, эрчимжүүлэхэд шаардлагатай мэдлэг, ур чадвар олгох мэдлэг олгох цогц арга хэмжээг хэрэгжүүлэхийг дэмжинэ.
- ❖ Эрүүл мэндийн тусламж, үйлчилгээний хүртээмжийг сайжруулж, ижил түвшинд хүргэхийг зорьж ажиллана
- ❖ Гэр бүлийн гишүүн бүрт хүрэх нийгмийн бодлого, зорилтот бүлэгт үзүүлэх халамж, дэмжлэгийн чанар, хүртээмжийг нэмэгдүүлэхэд анхаарч ажиллана.
- ❖ Ногоон эко хороо болгох зорилтыг дэвшүүлж ажиллана. Хашаа хороо болон аж ахуйн нэгж эргэн тойрондоо ногоон байгууламжаар тохижуулсан иргэн аж ахуйн нэгжийг урамшуулах дэмжих ажлыг дэмжинэ.
- ❖ Хог хаягдлын цогц менежментийг хэрэгжүүлэх, эдийн засгийн эргэлтэд оруулах, дахин боловсруулах, ашиглах, төслүүдийг нэгж хог хаягдлыг нэгдсэн стандарттай болгох ажлын төсөл боловсруулан дэмжиж ажиллана.
- ❖ Иргэд хүүхэд залуучуудын амрах, чөлөөт цагаа өнгөрүүлэх нийгмийн дэд бүтэц, ногоон байгууламж, усан сан, биеийн тамирын талбай бүхий тохилог орчныг бүрдүүлэх стандарт хэрэгжүүлж мөрдүүлнэ.
- ❖ Цэцэрлэг сургуулийн үйлчилгээний болон сургалтын чанарыг сайжруулахад чиглэсэн хөтөлбөр төлөвлөгөө аливаа үйл ажиллагаа нэгдсэн арга хэмжээг хэрэгжүүлэх зохион байгуулахыг дэмжинэ.

МӨРИЙН ХӨТӨЛБӨР БОЛОВСРУУЛСАН МОНГОЛ УЛСЫН ИРГЭН

...../Гарын үсэг/

ГАЛБАДРАХЫН БУЛГАНХАНГАЙ

